

րում, դրա համար էլ կա անհան-
դուրժողականություն, կա նա-
խանձ, հատկապես արվեստա-
գետների շրջանում:

- **Դուք չե՞ք նախանձում:**

- Ընդհանրապես, նախանձի
բոլոր արտահայտությունները
խորթ են ինձ համար: Ես չեմ սի-
րում նախանձի եւ ոչ մի դրսեւո-
րում:

- **Ո՞րն է արվեստի խնդիրը:**

- Գեղեցիկի ձգտումը եւ դա՛ ա-
մեն ասպարեզում:

- **Իսկ ո՞րն է այդ գեղեցիկը:**

- Այսօր գեղեցիկի չափանիշե-
րը փոխվել են: Առաջ՝ Հին Հունաս-
տանի կամ Վերածննդի ժամանա-
կաշրջանում շատ պարզ էր, թե
որն է այդ գեղեցիկը: Արվեստի չա-
փանիշերը փոխվել են, դրա հա-
մար պետք է լինի բազմաճաշա-
կություն, չի կարող լինել մի ճա-
շակ բոլորի համար: Մեզ նաեւ ու-
ժեղ դաստիարակություն է պետք,
դեռ փոքրուց դպրոցում պետք է լի-
նեն մշակույթի դասեր: Երիտա-
սարդը, ով ավարտում է դպրոցը,
պետք է իմանա արվեստի բոլոր
իզմերը, որպեսզի կարողանա ըն-

արվեստն իր մեջ գաղտնիք ունի,
չկա արվեստ առանց մտքի: Նա-
տյուրմորտն էլ պետք է միտք ունե-
նա: Թվում է, թե չունի, գույներ են
միայն, բայց ոչ, ունի:

- **Ո՞վ կարող է մարդուն արվես-
տագետ կոչել:**

- Իր ստեղծած արվեստն իրեն
իրավունք է տալիս կոչվելու ար-
վեստագետ: Արվեստագետը
պետք է առաջին հերթին լինի ար-
դար ինքն իր հետ: Եթե ինքը քեզ
հետ արդար լինես, շատ մեծ հաջո-
ղությունների կհասնես: Երբեմն
ասում են՝ վատ բժիշկ լինելն է
վտանգավոր, վատ իրավաբան լի-
նելը, բայց շատ վնաս է նաեւ վատ
արվեստագետ լինելը: Հետաքր-
քիր է նաեւ այն, որ այդ միջակու-
թյունները շատ պայքարող են լի-
նում: Շատ հիանալի արվեստա-
գետներ գիտեմ, որ չունեն իրենք
իրենց գովազդելու ունակությունը:
Այստեղ էլ տեսնում եք, որ դեռ չի
ձեւավորվել մենեջերի աշխատան-
քը, ավելի շատ ծանոթը ծանոթին
կամ էլ ինքն իրեն սկզբունքն է
գործում:

- **Վերնխաժում տեսնու՞մ եք
լուրջ գործեր:**

- Ոչ, չեմ տեսնում: Ոչ մի լուրջ
նկարիչ չի կարող գնալ վերնխա-

րիչ բաների ետեւից
ընկնել՝ դավաճա-
նել քո մեջ ապրող
շատ արժեքների:
Համբերությունը
շատ բնորոշ է մեր
ազգին, այդքան էլ
համբերող. ես նույնիսկ
մտածում եմ՝ արդեն վնա-
սակար է մեզ համար:

- **Կինն արվեստում
ներշնչանք լինելուց բացի
այլ ասելիք ունի՞:**

- Կինն առանձնահա-
տուկ երեւոյթ է, նա ասե-
լիք շատ ունի: Ես կասեի՝
ամենամեծ ճաշակը հենց
կինն ունի: Տղամարդկանց
մեծ մասն էլ, որ կայանում
է կյանքում, մեծապես
պայմանավորված է հենց
նրանով, թե ինչ կին է նրա
կողքին: Պարզապես այ-
սօր կնոջ հոգսերն ավելի
շատ են:

- **Կնոջ ձեռագիրն ար-
վեստում տարբերվու՞մ է:**

- Համաձայն չեմ նման
բաների հետ: Եթե արվես-
տը լավն է, ուրեմն լավն է,
իսկ կին է ստեղծել, թե
տղամարդ, արդեն կարե-



Արամ Իսաբեկյան

ՀՀ արվեստի վաստակավոր գործիչ, պրոֆեսոր,
Երեւանի գեղարվեստի ակադեմիայի ռեկտոր

Այս անգամ
մշակույթ

Առաջին հերթին սիրտ պետք է ունենա

- **Մշակութային աշխույժ կյանք կա՞ Դայաստանում:**

- Իհարկե կա, եթե ունենք Օպերա, Ֆիլիարմոնիա, Ազգային պատկերասրահ, ցուցասրահներ, եւ դրանք բոլորն էլ աշխատում են, գործում, նշանակում է՝ մշակութային կյանք կա: Ուրիշ բան, որ մշակույթի համար հատկացվող գումարները քիչ են, մշակութային քաղաքականությունը կազմավորված չէ, շատ մշակութային իրադարձություններ ինքնահոսի են տրված: Ցուցահանդեսների մի մասը, որ կայանում է այսօր, հիմնականում անհատների գործն է, ինչն այդպես չպետք է լինի: Իհարկե, այս ամենի կողքին կան դրական տեղաշարժեր:

- **Որո՞նք են այդ դրական տեղաշարժերը:**

- Ես մեր ակադեմիայի օրինակ կբերեմ, հավատացնում եմ ձեզ, որ 12 տարի առաջ այն մի ավերակ էր: Բայց եթե այսօր տեսնեք, թե մեր բուհն այս տարիների ընթացքում ինչ առաջընթաց է ունեցել, կարող եք մտածել, թե սա բարգավաճ երկրում է եղել: Բայց դրա հետ մեկտեղ բոլոր շրջանավարտները, ովքեր արվեստի բուհերն են ավարտում, վստահ չեն, որ աշխատանք կգտնեն Դայաստանում: Արդեն եկել է ժամանակը, որ պետությունը մտահոգվի, եւ արվեստագետն իրեն այստեղ էլ լավ զգա:

- **Պետական աջակցությունը, ֆինանսական ներդրումները մշակույթի զարգացման գործում կարեւոր նախապայման են:**

- Կարող ենք այդպես ասել, բայց նաեւ պետք է հասկանանք, որ Դայաստանը իր 15 տարվա անկախության շրջանում բազում խն-

դիրներ է ունեցել եւ դեռ ունի, այսինքն՝ պատճառներն այսօր շատ են, որ շեշտը չորվի մշակույթի վրա: Այս ամենի հետ, նայում ես, տեսնում, որ քիչ բան չի արվում, բայց, իհարկե, դեռ շատ բաներ կան անելու: Այսօր հիմնականում մեզ թողած ժառանգությունն ենք դեռ մաշում:

- **Մշակութային հզոր ժառանգություն ունեցող ազգ կարո՞ղ ենք համարել:**


- Մենք միշտ ենք եղել հզոր, եւ փոքրիկ Դայաստանը համաշխարհային մշակույթում իր տեղն ունի, եւ դա միայն մենք չենք ասում: Այնպիսի գեղանկարչություն ունենք, որ պատիվ կբերեր ցանկացած ազգի: Դայաստանը մշակույթի երկիր է եւ լինելու ուրիշ ճանապարհ չունի: Միայն թե Դայաստանում ապրող արվեստագետն ավելի մեծ դժվարություններ ունի համաշխարհային մշակույթում ներկայանալու եւ այնտեղ իր տեղը գրավելու համար:

- **Դայաստանում երիտասարդ արվեստագետներն ի՞նչ հեռանկարներ ունեն:**

- Եթե սպասեն, որ ինչ-որ տեղից ինչ-որ բան կփոխվի, լինեն անտարբեր, ապա ոչինչ էլ չի փոխվի:

- **Ակտիվություն տեսնում եք հայ երիտասարդների մեջ:**

- Տեսնում եմ, բայց ոչ շատ: Ավելի շատ տեսնում եմ, որ այդ ակտիվներն էլ իրենց անձնական հարցերն են ուզում լուծել: Դա, իհարկե, լավ է, բայց ընդհանուրի համար այդ բանը չկա: Մենք անհատների երկիր ենք եւ զարմանալի է, որ դա դեռ չի փոխվել: Դա զգացվում է բոլոր ասպարեզե-



Փարավոն Միզոյանի դիմանկարը, 1997

կալել այն, ինչն իրենից արժեք է ներկայացնում:

- **Այսինքն՝ արվեստը զգալու համար նախեւառաջ պետք է պատրաստ լինես այն հասկանալու:**

- Իհարկե, մարդը պետք է ունենա իմացություն, որպեսզի գնահատելու հնարավորություն ունենա, իսկ դրանից հետո նաեւ զգա:

- **Ի՞նչ է անհրաժեշտ ստեղծագործելու համար:**

- Առաջին հերթին սիրտ պիտի ունենա, համապատասխան նյարդային համակարգ, մնացածը ածանցյալ բաներ են: Արվեստն ընդհանրապես այն բնագավառն է, ուր կարող ես խաբել մեկ-երկու տարի, բայց դրանից հետո նա ես, ինչ կաս: Արվեստում պետք է ավելի շատ արդարություն լինի: Լավ

ժամ նստել եւ իր գործերը վաճառել, դա բացառվում է: Վերնիսաժում ինչ ասես կարող է լինել, բայց չեմ հավատում, որ կարող է այնտեղ Վան Գոգ լինել, որովհետեւ երբեք այդ Վան Գոգը, Դեգան կամ Միքելանջելոն վերնիսաժում չեն նստել: Արվեստագետը կարող է մի քիչ տառապել, մի քիչ վատ ապրել, բայց իր ստեղծագործությունը հասի եւ սպասի, թե բախտը կբերի: Վերնիսաժին դեմ չեմ, թող լինի, բոլոր քաղաքներում էլ կան նման վայրեր, բայց դրա մասին լուրջ խոսելը ես համարում եմ մի քիչ անլուրջ:

- **Այդ տառապանքը, նյութական դժվարությունները ինչպե՞ս են ազդում արվեստագետի վրա:**

- Ցանկացած մարդ, ինչքան էլ լավ ապրի, միեւնույն է, այդ տառապանքներն ունենում է: Օրինակ՝ Սեզանը բանկիրի տղա էր՝ հարուստ ընտանիքից, բայց իր կյանքում շատ է տառապել, այսինքն՝ այդ գրկանքները միայն նյութականի հետ չեն կապված: Հիմարություն է նաեւ այն խոսքը, թե արվեստագետը պիտի առքատ լինի: Արվեստագետների 90 տոկոսն այն ժամանակ էլ, հիմա էլ հարուստներն են եղել, պատվերներ են կատարել ու շատ մեծ գումարներ վաստակել:

- **Արվեստում քունն ասելու համար քի՞չ է շնորհալի մարդ լինելը:**

- Մարդ, իհարկե, պետք է լինի աստվածաշնորհ, բայց դրա վրա անպայման պետք է ավելացնի ահավոր մեծ աշխատասիրություն, առանց դրա հնարավոր չէ:

- **Համարությունն արվեստում տեղ ունի՞:**

- Անպայման, չհամբերեցիր, կարող ես եւ գժվել, կարող ես ու-

լոր էլ:
- **Ինքնադիմանկարներն ի՞նչ խորհուրդ ունեն նկարչի համար:**

- Ինքնադիմանկարները մի քանի բացատրություն ունեն: Առաջինը՝ երբ չունես քնորդ, ամենահեշտ բանը ինքդ քեզ նկարելն է: Այդ ժամանակ է, որ համբերությամբ նայում ես ինքդ քեզ ու խնդիրներ լուծում, տիրապետում նկարչական տեխնիկային: Իսկ երբ արդեն գալիս է այն ժամանակը, որ մարդն իսկապես կարողանում է նկարել իրեն, այ դա ուրիշ բան է: Նայենք Ռեմբրանդտին: Նրա կյանքի երկրորդ շրջանի ինքնանկարները լրիվ հոգեվիճակներ են: Այդ ինքնանկարներում մենք տեսնում ենք, որ նրա որդին է մահացել, հետո՝ առաջին կինը, երկրորդը, որ ինքն աղքատության մեջ է, տեսնում ենք նրան մենակ եւ այդ մենության մեջ այնքան վեհ, որովհետեւ ինքը լավ գիտի, թե իր արվեստն ինչքան մեծ է եւ հզոր:

- **Մարդուն ի՞նչն է խանգարում ապրել:**

- Գիտե՞ք, ամենավատ բանը ինչն է աշխարհում, որ խանգարում է մարդուն ապրել, արարել՝ անորոշությունը: Ցանկացած հարցում անորոշությունն ահավոր է, այն վտանգավոր է թե՛ անհատի եւ թե՛ ազգի համար: